

Ես դեռ յիշում եմ անգուրթ վաշխառնի խօսքերը, երբ նա տոկոսները առնելու համար մեր տունն էր գալիս: – «Սիակ, ասում էր նա իմ հորը, – գիտե՞ս որքա՛ն է անցել, տե՛ս, այս ծառը դեռ նոր էր տերեւ բացել (նա ցոյց էր տալիս մեր բակի ընկուզենին), հիմա կրկին կանաչել է նա, ուրեմն, անցել է մի բոլորակ տարի: Թե գլուխքը չես կարող տալ, գոնե կաթը (տոկոս) տուր, թե չէ, այդ ջուրստ աղջիկներիդ կը տանեմ, կթուրթացնեմ»...

Մարիամը եւ Մագթաղը, երբ այդ խօսքերը լսում էին կույզ էին գալիս եւ միմեանց գրկելով, սկսում էին լաց լինել: Անմե՛ղ արարածներ, կարծես, նրանք հասկանում էին, թե ինչ սարսափելի բան է թուրքի հարեմը...

Ահա այսպես էին անցնում մեր սեւ օրերը:

Հայրս, չկարողանալով հայրենի երկրում իր ընտանիքը պահել, ստիպոցաւ դիմել դեպի պանդուխտութիւն, օտար աշխարհներում բախտ որոնելու: Մենք տարանք նրան մինչեւ գիւղից դուրս ճանապարհ գցելու: Ես եւ քոյրերս շատ ուրախ էինք, երբ նա գնում էր, կարծում էինք, թէ բազարն է գնում, որ մեզ համար չամիչ կամ խուրմայ բերէ: Բայց մայրս լաց էր լինում: Տխուր էր եւ հայրս. մահոտան չափ տխուր էր նա: Ես մինչեւ այսօր չեմ մոռացել այն խօսքերը, որ բաժանման րոպեում ասաց նա մօրս. – «ամանաթ թեզ որդիքս, Նիգեար, եթէ կենդանի կը մնամ, թող չեմ տայ, որ նրանք սոված մնան»... «շուտ ե՛կ, շու՛տ, հայրիկ, – կանչում էինք ես եւ քոյրերս նրա ետեւից, – մեզ համար չամիչ եւ փշատ բե՛ր»:

Բայց նա գնաց, էլ չվերադարձաւ...

Տարի չանցաւ, հօրս մահոտան լուրը մեզ հասաւ: Այդ ցաւալի մահը, որի մանրամասնութիւնները ես կը պատմեմ յետոյ, ամենասաստիկ ներգործութիւն ունեցաւ մեր դժբախտութեան վրայ: Այն ժամանակ յայտնուցաւ Հաջի-Բաբան, տիրեց մեր բոլոր կայքերին եւ մեզ մերկ ու ոտաբոքիկ դուրս արեց հայրենական տնակից: Մայրս բռնելով իմ եւ քոյրերիս ձեռքից, գնաց քեռուս տունը, այնտեղ ապրելու: Միակ ժառանգութիւնը, որ մնաց մեր հօր հարստութիւնից, էին՝ Մըրօն – մեր ահագին շունը եւ Նազլուն՝ տատիս մտերիմ կատուն, դրանք չբաժանուցան մեզանից:

Բ. ՀԱՅՐԵՆԻԷ

Պարսկաստանի Ատրպատական կոչրած նահանգի ամենահարուստ գաւառներից մէկն է Սալմասը: Նա բռնում է Ուրմիոյ ծովակի արեւմտեան ափերը, եւ շրջապատուած լեռների ալիքաւոր բարձրութեամբ, կազմում է մի գեղեցիկ, բոլորակ հովիտ, որ ոռոգւում է Սօլայ գետով: Այդ գետը Սալմաս-